

ԱՐՁԱՆԱԳՐՈՒԹՅՈՒՆ ԹԻՎ 1

2019 թվականի սեպտեմբերի 11-ին տեղի ունեցավ ՀՀ Կոտայքի մարզի Գեղաշենի Ռազմիկ Ստեփանյանի անվան միջնակարգ դպրոցի 9-րդ Բ դասարանի ծնողական ժողովը: Ժողովին ներկա էին բոլոր ծնողները, դասղեկ Նարինե Ոսկանյանը և տնօրենի մասնագիտացված կրթական աջակցությունների գծով տեղակալ Ջոյա Գևորգյանը:

ՕՐԱԿԱՐԳՈՒՄ՝

1. Դասարանի ծնողական խորհրդի և խորհրդի նախագահի ընտրություն:
2. Սովորողների պարտադիր կրթության իրականացման գործընթացում անհրաժեշտ ուսումնական նյութերի ձեռքբերման համար աշխատանքներ իրականացնելու հարցը:
3. Ծնողագուրկ և սոցիալապես անապահով երեխաներին նյութական օգնություն ցույց տալու, աշակերտների հանգիստը և ժամանցը նպատակային կազմակերպելու հարցը:
4. Ընթացիկ հարցեր /կարգապահություն, ռեժիմ, հերթապահություն/:

1. Լսեցին՝ Դասարանի ծնողական խորհրդի և խորհրդի նախագահի ընտրության հարցը:

Ելույթ ունեցավ 9-րդ^Բ դասարանի ղեկավար Նարինե Ոսկանյանը, որը ներկայացրեց ծնողական խորհրդի ընտրության կարգը:

Առաջարկվեց նոր՝ 2019-2020 ուսումնական տարվա համար ձևավորել դասարանի ծնողական խորհուրդ՝ նախագահ և չորս անդամ կազմով: Առաջարկվեց նշել մնացած չորս անդամների թեկնածուներին ևս: Նախագահի թեկնածու առաջադրվեց Արմինե Հարությունյանը: Կատարվեց քվեարկություն: Արմինե Հարությունյանը ընտրվեց ծնողական խորհրդի նախագահ:

Որոշեցին.

9-րդ Բ դասարանում ձևավորել ծնողական խորհուրդ հետևյալ կազմով.

- | | | |
|------------------|----------|-----------|
| 1. Հարությունյան | Արմինե | /նախագահ/ |
| 2. Բաղալյան | Վեհանուշ | /անդամ/ |
| 3. Դավթյան | Անի | /անդամ/ |
| 4. Հակոբյան | Ռուզան | /անդամ/ |

5. Սամսոնյան Թերեզա /անդամ/

2. Լսեցին - Սովորողների պարտադիր կրթության իրականացման գործընթացում անհրաժեշտ ուսումնական նյութերի ձեռքբերման համար աշխատանքներ իրականացնելու հարցը:

Դասղեկ Նարինե Ոսկանյանը նշեց, որ ծնողները մանկավարժական կոլեկտիվի հետ միասին պետք է փորձեն միասնական պահանջներ ձևավորել երեխաների դաստիարակության հիմնախնդիրների լուծման հարցում: Նա հորդորեց ծնողներին՝ աջակցել դպրոցին, ուսուցիչներին՝ պարտադիր կրթություն իրականացնելու, սովորողներին ուսուցման և դաստիարակության համար անհրաժեշտ պայմաններ ապահովելու համար: Դասավանդող ուսուցիչներին և դասղեկին օգնել ձեռք բերելու կրթության գործընթացի արդյունավետ կազմակերպման համար անհրաժեշտ տետրեր, գրենական պիտույքներ և ժամանակին վճարել դասագրքերի վարձավճարները:

Որոշեցին - Օգնել դասղեկին և ուսուցիչներին՝ ձեռք բերելու անհրաժեշտ տետրեր և կազմակերպված իրականացնել դասագրքերի վարձավճարների հավաքագրումը:

3. Լսեցին - Ծնողագուրկ և սոցիալապես անապահով երեխաներին նյութական օգնություն ցույց տալու, աշակերտների հանգիստը և ժամանցը նպատակային կազմակերպելու հարցը:

Դասղեկ Նարինե Ոսկանյանը նշեց, որ 9-րդ Բ դասարանում կան ծնողագուրկ երեխաներ, որոնց օգնություն է տրամադրվում համայնքապետարանի կողմից: Էքսկուրսիաների, թատրոն, թանգարաններ այցելությունների ժամանակ նույնպես անհրաժեշտ է ապահովել ծնողագուրկ ընտանիքների երեխաների ներկայությունը: ԿԳ նախարարությունը դեռ նախորդ ուսումնական տարուց սկսած ստեղծել է դպրոցական աբոնեմենտային համակարգ, ըստ որի դպրոցականները կարող են օգտվել անվճար թատրոն, թանգարան և համերգ գնալու հնարավորությունից: Սակայն ճանապարհաձախսի համար դեռևս անհրաժեշտ է ծնողական ներդրում կատարել: Շատ կարևոր է նման ընտանիքների երեխաների ընդգրկվածությունը կոլեկտիվին, ընկերների հետ շփումները և նրանց տարիքային հոգեբանական զարգացումը ապահովելը: Որոշակի գումարային ներդրումներով ավելի ապահով վիճակում գտնվող ծնողները կարող են իրենց երեխաների մոտ ապահովել հասակակիցների նկատմամբ ճիշտ մարդկային հարաբերությունների ձևավորումը, քանի որ դա գտնվում է նաև ծնողական խորհրդի կանոնադրությամբ իրեն վերապահված իրավասությունների շրջանակում:

Որոշեցին - Անհրաժեշտ օգնություն ցուցաբերել նաև տարվա ընթացքում իրականացվող միջոցառումների ժամանակ:

4. Լսեցին - Ընթացիկ հարցեր /կարգապահություն, ռեժիմ, հերթապահություն/:



Դասղեկը ներկայացրեց դպրոցի կանոնադրությունը՝ կապված դպրոցական ռեժիմի, դասացուցակի, դասարանում կատարվող հերթապահության և այլ հարցերի վերաբերյալ: Նշվեց, որ դպրոցն աշխատում է հնգօրյա ռեժիմով, դասերն սկսվում են ժամը 9⁰⁰-ին,

ավարտվում՝ 15⁰⁰-ին: Նա ծնողներին հորդորեց լինել հետևողական իրենց երեխաների նկատմամբ ժամանակին դպրոց հաճախելու և դասերին միշտ պատրաստ լինելու հարցում, ենթարկվեն դպրոցի ներքին կարգապահական կանոններին և աշակերտավայել վարք դրսևորեն դպրոցում:

Պետք է մշտապես պահել ծնող-դասղեկ-աշակերտ կապը և անհրաժեշտության դեպքում այցելել դպրոց՝ իրենց երեխաների վրա վերահսկողությունը մեծացնելու, աշակերտների վարքը և ուսման առաջադիմությունը բարձր մակարդակի հասցնելու համար, որ աշակերտները դպրոց հաճախեն ժամանակին ու պայուսակով, դասազրբերով, գրենական պիտույքերով ու աշակերտին վայել հագուկապով:

Որոշեցին - Առավել ուշադիր և հետևողական լինել անցումային տարիք և հոգեբանական բարդություններ ունեցող աշակերտների հանդեպ:

Մտողական խորհրդի նախագահ՝
Քարտուղար՝

 / Հարությունյան Արմինե
 / Մամսոնյան Թերեզա